

26-8-48

† Lucas Cavegn-Schmed, Sedrun

(Corr.) Tgi de nus havess dubitau che nies „Lucas de Cadruvi” bandun si schi nunspetgadamein sia cara famiglia e ses convischins tuatschins? Strusch de capir, mo tuttin’eisi petra verdad. Nies bien Lucas ei buca pli. Il Segner ha priu siu fideivel survient tut anetgamein naven dalla lavur, giu dal frust, per dar la pagaglia perpetna.

Il Lucas ei naschius ils 3 de december 1876, vegnius educaus ed instruius da geniturs veramein religius e spargnus. Quei sem plantaus el cor digl affon ha purtau buns fretgs, ch’ein semanteni quasi intacts entochen la mort. Suenter la scola primaria a Sedrun ha il giuven mat frequentau dus onns las empremas classas della scola claustral a Mustér. Leu han ins beingleiti scuvretg il grond talent dil Lucas: siu dun musical. Pader Leo Kunz p. m. era loschs de quella „merlotscha tuatschina” sco el scheva e nies Lucas raquintava cun fundada luschezia da siu magister claustral, dals solos e dal fin e cultivau cant dils students.— Deplorablamein ha il viv e premurau scolar buca giu la pusseivladad de secultivar vinavon sin terren musical. — Aschia va ei beinsavens cun nos buobs dellas muntognas, buns talents ston veginr satrai. — Returnaus a casa ei il Lucas sededicaus alla clamada purila. El era in pur de vaglia ch’era cun tgierp ed olma vid sia lavur. Barla Catrina Schmed ch’ei pli tard daventada sia consorta, ei stada ina buna e fideivla dunna e gidontra en tuttas lavurs e quitaus. Il Lucas era conservativs de num e pum. El s’accordava buca adina cun las ideas modernas de moda, taglias etc. Franc havev’el per gronda part raschun!

En vista dils gronds merets ch’il car defunct ha aquistau, eisi bein giustificau de menzionar si’ activitat musicala en vischmaunca. — Cun 17 onns ei il giuven cantadur entraus el chor de baselgia, el chor mischedau ed el chor viril de Sedrun, els qualis el ha cantau cun sia vusch sonora entochen la mort, pia 55 onns. Ultra de quei eis el aunc staus duront 28 onns in zun premurau ed activ commember della societat de musica. Quella immensa lavur e stateivladad ei stada nutrida e conservada d’in ideal nundescrivibel. Il Lucas era buca mo in ordinari commember. Schebi in dils capo-cantadurs e musicants muncav’ el quasi mai tiels exercezis, era buca en ses vegls dis. El era adina ad uras, malgrad sia greva lavur. Horur a talas prestaziuns! Cum ina certa encarschadetgna constataava el la nunexactedad e la digren digl interess per cant e musica. — Segir seregorda oz era s. Vigeli de siu valent e premurau cantadur de baselgia, allai quala el ha era surviu duront in decenni sco ugau. Oz lai el anavos ina gronda largia sin lautga. Sia vusch sonora ch’intonava hymnis e canzuns tier tut las fiastas digl onn; vegn aunc ditg a resuniar en las ureglas dils parochianti e pelegrins de s. Vigeli. Ed ellas processiuns dellas sondas de stad en Nossadunna quei ins aunc adina de stuer cattar nies bien Lucas. Mo van encuir! El rraussa gia en santeri e sia olma conta ils hymnis leusi ella baselgia gronda, nua che nus futs sperein de seveser in di. Il Segner detti al car defunct la pagaglia meritada, sia olma rraussi en pasch. Alla combriadiada famiglia exprimin nus nostra sincera condolienscha! TJ